

Athikele ID 18624

Karolo: Athikele ya Patlisiso

Dingwaga di le lekgolo tsa patlisiso ka masaledi a ditshedi tsa bogologolo le go dirisetsa patlisiso eno go tliša diphetogo le go momaganya setšhaba mo Aforika Borwa

Tshobokanyo:

Raymond Dart yo o belegetsweng kwa Australia o ne a goroga mo Aforika Borwa ka 1922 mme morago ga moo a naya masaledi a logata lwa ngwana lo lo ribolotsweng ke badiri ba moepo kwa Taung, e leng Porofense ya Bokone Bophirima, a re *ke Australopithecus africanus*. Ka ntlha ya thibololo eno, le kitsiso ya yone ka 1925, serutwa seno se ne sa gola fela thata mo kontinenteng. Phitlhelelo eno ya dingwaga di le lekgolo e dira gore go akanngwe ka seabe se bonetetshi bo nang le sone mo setšhabeng, mme go lejwe ka kelotlhoko kamano fa gare ga disaense tsa masaledi a ditshedi tsa bogologolo, dikgopolo tsa tlholego ya batho, le tirisano mmogo ya babatlisisi le batho ba setso ba dinaga tse di ka fa borwa jwa Aforika. Mo tokomaneng eno, re sekaseka tiro ya bonetetshi ya boithuta masaledi a ditshedi tsa bogologolo mo dinageng tse di ka fa borwa jwa Aforika le go tshitshinya ditsela tsa mo isagweng tsa go fedisa dikgopolo tsa bokolone mo thutong ya bonetetshi, le dikgopolo tse di amanang le yone. Gore go fithelelwe phetogo e e mosola le momagano ya setšhaba, re tlotla ka dikgato tse ka tsone re ka fedisang diphoso tsa nako e e fetileng ka ditsela tse di mosola le ka ditiro tse di tla solegelang setšhaba molemo jaaka go nna le dikema tse di ba tshegetsang ka madi ka go lekalekana, tirisano mmogo e e mosola, le go tlosa patlisiso ya dihelikopotara.

Botlhokwa jwa tshobokanyo eno:

Tiro ya saense ya patlisiso ka masaledi a ditshedi tsa bogologolo le dikgopolo ka one kwa dinageng tse di ka fa borwa jwa Aforika di tlhoka gore go tlošwe dikgopolo tsa bokolone mo go tsone. Tokomane eno e dira boikuelo jwa gore go dirwe phetogo e e mosola le momagano ya setšhaba, ka dikgato tsa go baakanya diphoso tsa nako e e fetileng. Gore re dire jalo, re tshitshinya ditsela tse di mosola le ditiro tse di tla solegelang setšhaba molemo jaaka go nna le dikema tse di ba tshegetsang ka madi ka go lekalekana, tirisano mmogo e e mosola, le go fedisa patlisiso ya dihelikopotara.

Mafoko a konokono: Taung, tshegetso ka madi, saense ya patlisiso ka masaledi a ditshedi tsa bogologolo, patlisiso, momagano ya setšhaba, go solegela setšhaba molemo, phetogo